

經義述聞

冊十

國朝文獻通考

卷一百一十五

春秋名字解詁下一百三十五條

鄭游販字子明襄二十二年左傳

說文販多白眼也春秋傳曰鄭游販字子明檀弓鄭注曰明目精

也

鄭公孫輒字子耳襄九年十年左傳

輒耳古字通說文耳垂也從耳下垂象形春秋傳曰秦公子耳

耳者其耳垂也故以為名案春秋傳無秦公子耳蓋鄭公孫輒之

誤也耳垂謂之耳故車耳亦謂之輒說文輒車兩輪也輪車旁也

較車輪上曲鉤也麋乘輿金為耳也宋本為誤作馬毛本又於金下增飾字案史記禮書彌龍

徐廣曰乘輿金薄膠龍為輿倚較即所謂乘輿金為耳也彌與麋通輒車耳反出也大元積次四君

子積善至于車耳測曰君子積善至于蕃也范望注云蕃車耳也

蕃與輻通漢書景帝紀長吏二千石車朱兩輻千石至六百石朱左輻

應劭注云車耳反出所以為之藩屏翳塵泥也案朱輻即古今注所謂文官赤耳也

今本古今注云文官青耳武官赤耳誤也崔豹古今注重耳古重較也較與同文官赤耳

武官青耳然則輒輪較輒摩皆車耳也鄭大夫有姚句耳句同此

輪上曲鉤之義也晉文公名重耳晉大夫有梁益耳此重較為重

耳之義也

魯子叔輒字伯張昭二十一年左氏經注叔孫輒字子張哀八年左傳

耳垂左右皆外向其象侈張輒之反出以向外亦如之說文聃張

耳有所聞也大荒東經曰有一大人張其兩耳

秦耳字聞仲尼弟子傳

耳讀為聃耳聃古字通定四年左傳聃季史記管蔡世家衛康叔

世家並作耳季說文聃耳曼也各聃字開與各輒字張同義

李耳字聃

史記老子傳姓李氏名耳字伯陽諡曰聃索隱云許慎云聃耳漫

也故名耳字聃今作字伯陽非正也

鄭公孫黑肱字子張襄十八年左傳注

大戴禮王言篇布指知寸布手知尺舒肘知尋舒肘謂張兩肱也
八尺曰尋鄭注考工記梓人云張臂八尺

楚駢臂字子弓仲尼弟
子傳

弓讀爲肱古字弓與肱通鄉射禮侯道五十弓鄭注云今文弓爲

肱昭二十一年春秋邾黑肱以盪來奔公羊作黑弓

齊后處字子里仲尼弟
子傳

鄭風將仲子篇無踰我里毛傳云里居也論語里仁篇里仁爲美

擇不處仁焉得知鄭注云里者民之所居也

齊陳盈字子芒元和姓纂有子芒云陳
儂子生子芒盈因氏焉

盈讀爲楹芒讀爲朵楹柱也朵棟也說文朵棟也從木亼聲引爾

雅曰朵廡謂之梁蓋朵者棟之一名朵廡者梁之一名謂之朵廡

者言梁上承棟棟之所留止也釋名檣或謂之望言高可望也或

謂之棟棟中也居屋之中也蓋望與朵古同聲朵卽望也然則棟

謂之朵梁謂之朵廡故說文曰朵棟也又曰朵廡謂之梁辨其名

物之不同也或欲刪說文棟也二字非是

齊杞殖字梁襄二十三年左傳

殖讀爲植立者謂之植橫者謂之梁爾雅植謂之傅傅謂之突郭

注曰戶持鎖植也衆經音義卷七引三倉云戶旁柱曰植墨子非儒

篇季孫與邑人爭門關決植淮南本經篇繇聯房植高注曰植戶

植也夏官大司馬大役與慮事屬其植鄭注曰植築城植也是立

者謂之植也爾雅楣謂之梁柴廡謂之梁是橫者謂之梁也爾雅又曰

隄謂之梁亦取橫互之義

楚公子啓字子閭哀六年左傳

說文閭里門也名啓字閭取啓門之義王氏南陔曰啓與閭皆行

陳之名左氏襄二十三年傳言齊侯伐衛其軍有啓有胙孔疏以

左翼曰啓爲賈逵說逸周書武順篇一卒居前曰開一卒居後曰

敦左右一卒曰閭孔晃注開猶啓皆陳名

卞仲由字子路魯顏無繇字路並仲尼弟子傳

繇與由同取由路之義也

楚屈建字子木襄二十五年左傳大子建字子木哀十六年傳

建讀爲榘說文榘距門也南都賦注所引如是今本作限門也誤從木建聲蓋榘者

關牡所以距門使不可開也顏氏家訓曰古樂府歌百里奚詞曰

百里奚五羊皮烹伏雌吹扃扃廣韻云扃扃戶扇今日富貴忘我爲吹當

爲炊案蔡邕月令章句曰鍵關牡也所以止扉或謂之剡移然則

當時貧困并以門牡木作薪炊耳以上家訓門牡以木爲之故字子木

老子曰善閉無關榘而不可開淮南繆稱篇曰匠人斲戶無一尺

之榘不可以閉藏

陳諸字伯爰唐書宰相世系表

諸讀爲堵爰讀爲垣小雅鴻雁篇之子于垣百堵皆作傳云一丈

爲板五板爲堵箋云徵民起屋舍牆壁百堵同時而起射義蓋觀

者如堵牆牆亦垣也

齊公孫竈字子雅昭三年左傳子雅韓子外儲說篇作子夏

雅讀為寤寤雅古同聲雅古音伍說見唐韻正故寤通作雅玉篇引倉頡篇

曰楚人呼竈曰寤

齊公子固字子城昭八年左傳注八年傳作子成假借字也十年傳正作子城

夏官掌固掌脩城郭溝池樹渠之固襄十年左傳城小而固是其

義也或曰固城楚邑名昭十三年傳圍固城克息舟城而居之是

也固城息舟城皆楚邑也杜注謂息舟楚邑城之堅固者非是

魯公孫宿字成哀十五年左傳注

成與城通隱元年春秋及宋人盟于宿杜注曰宿小國東平無鹽

縣也僖二十一年左傳所謂任宿須句顓臾風姓也國必有城故

字城

宋大宰盈字蕩莊子天運篇商大宰蕩曰蕩聞之云云釋文蕩聞之

則盈其名也蕩字也

盈讀為程戶經他切方言榻前几江沔之閒曰程郭注曰今江東呼

為承程說文程牀前几也廣韻程牀切程也東方謂之蕩段

注曰謂之程者言其平也程之言呈說文呈平也案蕩亦平也齊風南山傳

云蕩平易也几乎則謂之程又謂之蕩矣古音盈與呈通昭二十

三年穀梁春秋胡子髡沈子盈滅釋文盈本亦作逞襄二十二年

左傳樂盈自楚適齊史記晉世家作樂逞說文縵從糸盈聲讀若

聽或從呈作縵是其例也

宋公子何字弗父昭七年左傳

何讀爲枷音加弗讀爲拂音拂說文拂擊禾連枷也枷拂也釋名枷加

也加杖於柄頭以搗穗而出其穀也方言僉自關而西謂之拂齊

楚江淮之閒謂之棹音勃案拂之言拂也擊物之名也說文拂過擊

也擊謂之拂故擊禾者謂之拂拂棹聲相近故又謂之棹耳古音

何與枷通故枷通作何陳風澤陂篇有蒲與荷樊光爾雅注引作

有蒲與茄見澤陂正義茄音加是其例也枷之爲何猶加之爲柯也爾雅陵

柯齊語耒耜枷芟漢書王莽傳予之北巡必躬載拂韋顏注與說

文同

晉瑕呂飴甥字子金傳十五年左傳

飴讀為枱說文枱與耜同耒耑也從木台聲飴或從金徐鍇曰即耜

刃也音弋之反弋之反正與飴同音故借飴為枱鄭注考工記匠

人曰古者耜一金兩人併發之今之耜歧頭兩金象古之耦也又

注月令曰耜者耒之金也三倉曰耜耒頭鐵也見莊子天枱為耒

頭金故其字或從金作飴故瑕呂飴甥字子金

魯季公彌字鉏襄二十三年左傳齊犁彌字且單行本史記齊世家索隱

且即鉏之假借也彌讀為璽玉篇璽亡支青州人呼鎌也說文鉏

立孳斫也璽鉏皆所以芟夷者故名璽字鉏

魯商瞿字子木仲尼弟子傳

瞿讀為權釋名云齊魯謂四齒杷為權具俱說文云杷收麥器也

蓋以木為之故字從木權之言俱也齒兩兩俱列也說文朋左右

視也讀若拘又讀若良士瞿瞿稟舉朱芑雷也芑互瓜兩刃雷也

目兩視謂之雷兩刃雷謂之稟四齒杷謂之權聲義皆相近也准

南說林篇木大者根權山高者基扶言其根基之四布也爾雅四達謂之衢義亦相近

陳金父字仲爾唐書宰相世系表

爾讀爲欄邁初六繫于金柅釋文柅說文作欄云絡絲趺也讀若昵子夏作鏞蓋絡絲之欄古或以金爲之故易曰繫于金欄而其字或從金作鏞玉篇銳古文欄金部字亦從金

附 號公鼓字石父呂氏春秋當梁篇注案鼓周幽王時人在春秋前

鼓量名也所容重一石周語關石餽鈞韋注曰石今之斛也史記滑稽

傳臣飲一斗亦醉一石亦醉一石一斛也續漢書百官志中二千石奉月百八十斛廣雅曰斛謂之鼓是鼓

與石同也或以十二斛爲鼓所容重十二石曲禮獻米者操量鼓正義引何氏隱義曰東海樂浪人呼容十二斛者爲鼓釋文引作

十二石案容十二石則其器甚大獻米者執之不便當以廣雅斛謂之鼓爲是其器但容一石故小而易操也家大人曰管子樞言

篇云釜鼓滿則人概之荀子富國篇云瓜桃棗李一本數以益鼓

據左傳考工記釜受六斗四升盆受一斛二斗八升皆與一斛之鼓不甚相遠故或並言釜鼓或並言盆鼓也

晉楊食我字伯石

昭二十八年左傳

王氏南陔曰廣雅石柘也說文柘百二十斤也稻一柘為粟二十斗禾黍一柘為粟十六斗大半斗漢書食貨志云今一夫挾五口治田百畝歲收畝一石半為粟百五十石除十一之稅十五石餘百三十五石食人月一石半引之案管子國蓄篇中歲之穀糴石十錢大男食四石月有四十之籍大女食二石月有二十之籍吾子食二石月有二十之籍

楚囊瓦字子常

昭二十三年左傳

常讀為賞丁浪切常賞皆以尚為聲故借常為賞說文賞大盆也從

瓦尚聲廣雅賞璧也豐胡監切說文急就篇曰甌賞甌瓠罍盧

或曰以甌發井也漢書游俠傳觀瓶之居居井之眉一日更礙為

賞所輻顏注曰賞井以甌為發者也大盆謂之賞井發亦謂之賞

皆瓦質也

齊步叔乘字子車

仲尼弟子傳

齊公孫捷字子車

昭八年左傳注

子淵捷字子車

二十六年傳

取疾驅之義說文逮疾也逮與捷同

齊北郭佐字子車

襄二十八年左傳

少儀乘貳車則式佐車則否鄭注曰戎獵之副曰佐案檀弓魯莊

公及宋人戰于乘邱縣賁父御卜國為右馬驚敗績公隊佐車授

綏此戎車之副也夏官田僕掌馭田路以田以鄙掌佐車之政此

獵車之副也

附齊田廣字駢

莊子天下篇釋文引慎子曰田駢名廣

駢讀為萃春官車僕掌廣車之萃萃車之萃

釋文萃薄經反又薄田反

鄭注云

皆兵車也廣車橫陳之車也萃猶屏也所用對敵自蔽隱之車也

春秋傳曰其君之戎分為二廣則諸侯戎路廣車也孫子八陳有

萃車之陳故書萃作平杜子春云平車當為駢車

釋文駢薄經反案廣與

萃皆兵車之名故名廣字萃

齊梁邱據字子猶

昭二十一年左傳

據讀為遽猶讀為輶遽也輶也皆車之輕且速者也爾雅遽傳也
僖三十三年左傳且使遽告於鄭吳語徒遽來告孤日夜相繼杜
韋注並云遽傳車也昭二年左傳子產懼弗及乘遽而至則遽為
車之最速者遽者疾也車輕行疾故謂之遽也爾雅輶輕也說文
輶輕車也秦風駟鐵篇輶車鸞鑣毛傳與爾雅同

魯曾參字子輿

仲尼弟子傳

參讀為駮秦風小戎篇箋云駮兩駢也桓三年左傳正義云初駕
馬者以二馬夾轅而已又駕一馬與兩服為參故謂之駮又駕一
馬乃謂之駮故說文云駮駕二馬也駮一乘也總舉一乘則謂之
駮指其駢馬則謂之駮詩稱兩駮如舞二馬皆稱駮禮記稱說駮
而賻之一馬亦稱駮是本其初參遂以為名也名駮字子輿者駕
馬所以引車也

秦公子鉞字伯車

晉語

鉞讀為鈇

玉篇其鈇切又敕淹切

鉞鈇古字通夏官射鳥氏注并夾鉞箭具

釋文鉞其炎反李其巖反沈云或作鈇是也說文鈇膏車鐵鈇

魯孔穿字子高

史記孔子世家

穿車轂口金也高讀為膏車行則膏轂之穿以利轉故穿字子膏

也先鄭考工記注云賢大穿也軹小穿也後鄭云大小穿皆謂金

也說文釭車轂口鐵也史記田敬仲世家稀膏棘軸所以為滑也

然而不能運方穿言必以膏之滑運穿之圓也孟軻荀卿傳炙轂

過髡集解云劉向別錄過字作輶輶者車之盛膏器也索隱云過

為潤轂之物今人車旁懸小油瓶而置毛帚於其中時出其油以

潤轂口大穿小穿皆潤之謂之膏車是也

秦公子繫字子顯

說文繫或鬲字云絆馬也檀弓子顯以致命於穆公鄭注云使者

公子繫也引盧植注云古者名字相配顯當作鞮

呼見切

案鞮說文

作鞮云箸腋鞵也左傳釋文正義並引作箸掖皮也釋名鞵經也橫經其腹下也

義與說文相近惟僖二十八年左傳鞵鞞鞅鞞杜預注云在背曰

鞵與說文釋名異義史記禮書絞鞵徐廣用說文小司馬用釋名

而玉篇廣韻則皆用杜注不復存古義矣

齊宗樓字子陽哀十一年左傳

樓讀為鏤陽讀為錫大雅韓奕篇鉤膺鏤錫傳曰鏤錫有金鏤其

錫也箋曰眉上曰錫刻金飾之今當盧也春官巾車玉路錫鄭注

曰錫馬面當盧刻金為之所謂鏤錫也

宋樂轡字子蕩襄六年左傳

蕩讀為鞵廣韻鞵與章切馬額上鞞鞞則古切勒名說文勒馬頭絡銜也案鞵勒

之在額上者也疑卽詩鉤膺鏤錫之錫字或從革耳廣韻錫與章切

馬額飾聲義正同轡與勒相近故名轡字鞵鞵與蕩聲相近故通

作蕩鞵之為蕩猶暘谷之為湯谷也史記五帝紀索隱

鄭然丹字子革昭十三年左傳

古者用革多以丹染之若齊風載驅之朱鞞毛傳云諸侯之羽飾

小雅瞻彼洛矣之韎鞞韎鞞為之禮注云韎鞞也合成十六年左

傳之韎韁韎韁韁韁也合韍韁韍韁韁韁也合韍韁韍韁韁韁也合

鄉射禮記之韋當鄭注云直心背之衣大射儀之朱極韋注云以朱

明堂位之朱干注云朱干赤大盾也齊語定吳語之丹甲宣二年

其有皮丹漆若皆是也其他不可枚舉

宋孔金父字子木桓元年左傳正義引世本木金父字木蓋其字也

晉解侯字張正義曰古入連言名稱張侯者皆先字後名

說文侯從人從厂象張布夏官射人王大射則以狸步張三侯

朱張字子弓論語微子篇釋文引王弼注

說文張施弓弦也

鄭豐卷字子張襄三十年左傳

卷讀為卷漢書司馬遷傳張空卷音邱權切冒白刃李奇注曰卷

弩弓也字或作綦文選閑居賦注引張晏曰連弩三十綦共一臂